

# Tortolì. S'Ufitziu Limba Sarda presentat su libru "Carlo Felice e i tiranni sabaudi", Francesco Casula



Sàbadu su 24 de freàrgiu 2024, a ora de is 17.30, in sa Biblioteca Comunale Emilio e Joyce Lussu de Tortolì ddoe at a èssere un'eventu de non pèrdere: sa presentada de su libru "Carlo Felice e i tiranni sabaudi" de Francesco Casula, imprentadu dae Grafica del Parteolla. Organizadu dae s'Ufitziu Limba Sarda e dae su Sistema Bibliotecàriu Alta Ogiastra, s'atopu, at a permìtere de

connòschere is e is infamie de is soberanos sabàudos durante is 226 annos de dominatzione subra de s'ìsula.

A pustis de is saludos istituzionales de s'Amministrazione Comunale, sa presentada at a èssere aberta dae Ivan Marongiu, operadore de sa limba sarda e amministradore de Suia. At a chistionare cun s'autore su professore Giuseppe Melis Giordanu, espertu de marketing e marketing turìsticu in s'Università de is Istùdios de Casteddu.

Su libru de Francesco Casula rapresentat una bera resessida editoriale de is ùrtimos annos, cun sa prima publicatzione sua in su 2016. A traessu una documentatzione istòrica rigorosa, s'autore ponet a notu sa pòlitica de is Savoias, siat comente soberanos de su rennu de Sardigna (1726-1861) siat comente res de Itàlia (1861-1946). "Carlo Felice e i tiranni sabaudi" si cuntzentrat mescamente subra is disacatos e is infamidades de is sabaudu durante is 226 annos de dominatzione de s'ìsula.

Francesco Casula, istudiosu de istòria, limba e cultura sarda, nàschidu in Ollollai, gai dotzente in is iscolas superiores e cunsigieri regionale, est autore de medas publicatziones chi ddu ponent comente puntu de riferimentu in su panorama de is istùdios istòricos sardos.